

वतु पु॒जावा॑न् । अ॒स्माअ॑स्तु पुष्क॒लं चि॒त्रभा॑नु । आ॒यं  
पृ॒णक्तु॑ रज॒सीउ॒पस्थं॑ । यत्ते शिल्पं कश्यप रोच॒नाव॑त् ।  
इन्द्रि॒याव॑त् पुष्क॒लं चि॒त्रभा॑नु । यस्मि॒न्त्सूर्या॑ अर्पि॒ताः  
सप्त॑ सा॒कं । तस्मि॒न् राजा॑नमधि॒विश्र॑ये॒मं । द्यौर॑सि  
पृथि॒व्यसि॑ । व्याघ्रो वै॒य्याघ्रे॑धि ॥ ३ ॥

विश्र॑य स्वदि॒शो म॒हीः । विश॑स्त्वा स॒र्वी वाञ्छ॑न्तु ।  
मा त्वद्रा॒ष्ट्रमधि॑श्र॒णत् । यादि॒व्या आपः॑ पय॒सा सम्ब॑-  
भूवुः । याअ॒न्तरि॑क्ष॒उत॑पा॒र्थि॒वीर्याः॑ । तासां॑ त्वा स॒र्वी-  
साः रु॒चा । अ॒भिषि॑ञ्चामि व॒र्चसा॑ । अ॒भित्वा॑ व॒र्चसा॑  
सिचं॑ दि॒व्येन॑ । पय॒सा सह॑ । यथा॑ सा रा॒ष्ट्रव॑र्द्धनः ॥ ४ ॥

तथा॑ त्वा सवि॒ताक॑रत् । इन्द्रं॑ विश्वाअ॒वीवृ॑धन् ।  
समु॒द्र व्य॑चस॒ज्जिरः॑ । र॒थीत॑मः र॒थीनां॑ । वाजा॑नाः  
सत्य॑तिं पतिं । वस॑वस्त्वा पु॒रस्ता॑द॒भिषि॑ञ्चन्तु गाय॒त्रेण॑  
छन्द॑सा । रु॒द्रास्त्वा दक्षि॑ण॒तोऽभिषि॑ञ्चन्तु चैष्टु॒भेन॑ छ-  
न्द॑सा । आ॒दि॒त्यास्त्वा प॒श्चाद॑भिषि॑ञ्चन्तु जाग॑तेन छ-  
न्द॑सा । विश्वे॑ त्वा दे॒वाउ॑त्तर॒तोऽभिषि॑ञ्चन्त्वानुष्टु॒भेन॑  
छन्द॑सा । बृह॒स्पति॑स्त्वोप॒रिष्ठा॑द॒भिषि॑ञ्चन्तु पा॒ङ्केन॑  
छन्द॑सा ॥ ५ ॥

अ॒रुणं॑ त्वा वृक॑मु॒ग्रं ख॑जं क॒रं । रोच॑मानं म॒रुता॑म॒ग्रे